



सर्वे विद्याप्र-प्रेर तिलोदक
विकीर्णप्र

शिक्षा

★ ইন্দিরা ★

(প্রথম ও পঞ্চম সংস্করণ অবলম্বনে সত্যনিষ্ঠ চিত্রায়ন)

বেষ্ট ফিল্মসের প্রদ্বার্ষ

প্রযোজনা—হরিভাই দাডে : চিত্রায়ন : রামানন্দ সেনগুপ্ত
 জটাশঙ্কর ঠাকুর সন্তোষ গুহ রায়
 নাট্যরূপ ও অতিরিক্ত সংলাপ : ঐ সহযোগী : তারক দাস
 নারায়ণ গঙ্গোপাধ্যায় শঙ্কানুলেখন : সমর বহু
 গীতিকার : সাহিত্য-সম্রাট বঙ্কিমচন্দ্র, পরিবেশনা : বোধে পিকচার্স কর্পোরেশন
 আশা দেবী, গোবিন্দ চক্রবর্তী
 নৃত্য-পরিচালনা : হিমাংশু রায়
 তড়িৎ-নিয়ন্ত্রণ : প্রভাস ভট্টাচার্য
 স্থির-চিত্রায়ন : গীল ফটো সার্ভিস
 মুংশিল্পী : বিশ্বনাথ পাল
 স্বরসৃষ্টি : হরিপ্রসন্ন দাস
 সঙ্গীত-অনুসৃষ্টি : ক্যালকাটা অর্কেস্ট্রা
 শিল্প-নির্দেশ : ভূপেন মজুমদার
 সম্পাদনা : বিশ্বনাথ নায়ক
 পরিস্ফুটনা : বেঙ্গল ফিল্ম ল্যাবরেটরীস্
 ব্যবস্থাপনা : ননী মজুমদার, নৌতন শাহ্
 রূপসজ্জা : রামু
 সাজসজ্জা : নারায়ণ

পরিচালনা : অর্ধেন্দু মুখোপাধ্যায়

সহযোগী : সুনীল মজুমদার

রূপশ্রী ষ্টুডিওতে আর-সি-এ শব্দসম্প্রদায় গৃহীত

রূপায়ণে

সঙ্গারাগী : সুনন্দা দেবী : কমল মিত্র : প্রভা : দীপক মুখোপাধ্যায় : জীবন
 বহু : অমিতা বহু : নবদীপ হালদার : মনোরমা (ছোট) : বিনয়
 মুখোপাধ্যায় : নিভাননী : শিশির বটব্যাল (এ্যা:) : রেবা দেবী :
 আশু বহু : তারা ভাট্টা : বাণীবাবু : কমলা অধিকারী : আদল
 চট্টোপাধ্যায় : আয়রগম্যান নীরোদ সরকার ও তাঁর সম্প্রদায় :
 দেবব্রত : বলাই : হাসি : বাবলু প্রভৃতি

★ ইন্দিরা ★

(কাহিনী-সংকেত)

আমি হরমোহন দত্তের মেয়ে ইন্দিরা। একশ বছর বয়সে, ভরা যৌবনে আমি প্রথম শ্বশুর-বাড়ী চলেছিলাম। রূপে, ঐশ্বর্য়ে আর স্বখে সামনের ওই ধুধু করা মাঠ পর্যন্ত যেন আমার চোখে স্বপ্নের ছায়াপথ হয়ে দেখা দিয়েছিল। কিন্তু সামনে পড়ল ডাকাতে কালাদীঘি।

ওর কালো ছলছলে গভীর জলে আমার যে সর্বনাশ লুকিয়ে ছিল সে কি আমি জানতাম! আমি কি জানতাম আমার স্বখের স্বপ্নে নীল আকাশ চিরে এমন করে বজ্র নেমে আসবে। ডাকাতে হাতে পড়লাম।

গায়ের গহনা, পরণের শাড়ী আর জীবনের সব কিছু স্বপ্ন কেড়ে নিয়ে আমার গভীর জন্ডলে ফেলে রেখে চলে গেল তারা। রাজরাণী হতে চলেছিলাম— ভিখারিণীর ছিন্নবেশে অরণ্যের ভেতরে মৃত্যুর প্রতীক্ষা করতে লাগলাম।

কিন্তু মরতে পারলাম কই! দুঃখের এই চরম মুহূর্তে পৃথিবীও যে আমার অবহেলা করল! বাঘের ডাক শুনলাম, কিন্তু সে তো আমার খেতে এলনা! বরা-পাতার আড়াল থেকে ফণা তুলে ছোবল দিলনা বিষধর সাপ, আমার ভয়ে বনের হিংস্র ভালুকও পালিয়ে গেল।

না, না, মরতে পারব না! অন্তত শেষবার স্বামীর মুখখানা না দেখে আমি মরতে পারব না!

মাহুয আমার স্বখের সংসারে আগুন দিয়েছিল। আবার সেই মাহুযের কাছেই আমি পেলাম আশ্রয়। পেলাম সাঙ্ঘনা, পেলাম সহায়ত্ব, পেলাম ভালবাসা। ভগবানের পৃথিবীতে সবই তাহলে অভিশাপ নয়।





আশ্রয় জুটল বই কি, আমি
হরমোহন দত্তের মেয়ে ইন্দিরা—
টাকার গদৌতে শুয়ে যুগ্মোতে
চেয়েছিলাম। আজ অদৃষ্টের নিষ্ঠুর
কোতুকে আমায় দাসীবৃত্তি নিতে হল
কলকাতার রামরাম দত্তের বাড়ীতে।
তবু মরুভূমিতে আছে পাহুপাদপ;
ছুধোগের বন মেঘের আড়ালে আছে
এক কালি চাঁদের আলো।

সে আর কেউ নয় রামরাম
দত্তের পুত্রবধু স্ত্রীভাষিণী।

অমন মানুষ কি হয়? বুক
ভরা রেহ দিয়ে, প্রাণ ভরা
ভালোবাসা দিয়ে আমার সব জালা
সে জুড়িয়ে দিলে। তারপর একদিন

ধরে বসল, কুমুদিনী, তোমার সত্যিকারের পরিচয় দিতে হবে।

কুমুদিনী! হাঁ—ওই নামই নিয়েছিলাম। কী হবে ইন্দিরাকে মনে রেখে?
ডাকতে থাকে কেড়ে নিয়ে গিয়েছিল—সমাজে তার স্থান কই?

তবেছিলাম, কোনোদিন কাউকে নিজের কথা বলবনা। এমনিভাবেই
নিঃশব্দে চিরদিনের মত অন্ধকারে হারিয়ে যাবে।

স্ত্রীভাষিণীর প্রশ্নে চোখ ফেটে আমার জল এল।

—কী লাভ বোন। কী হবে পরিচয় দিয়ে?

কিন্তু স্ত্রীভাষিণী মানেনা। বলতেই হল। বুকের রক্তে রাঙিয়ে রাঙিয়ে
জীবনের চরম ছর্ভাগ্যের ইতিহাস তাকে শোনালাম।

তারও চোখে জল এল। হু কৌটা জল। আমার, ছুগথে আরো একজন
চোখ অশ্রুসিক্ত হয়ে ওঠে—এর চেয়ে বড় সাহসনা আমার আর কী আছে!

কিন্তু এ কী হল! * আমি কি স্বপ্ন দেখছি! বুকের স্পন্দন বন্ধ হয়ে যাচ্ছে,
ছিড়ে যেতে চাইছে আমার শিরা-উপশিরাগুলি। ওগো, আনন্দের এই অসহ
যন্ত্রণা আমি বইব কী করে।

আমার স্বামী!

না, না কখনো ভুল দেখিনি। আট বছর আগে বাসর রাত্রিতে একদিন মাত্র
তাকে দেখেছিলাম, কিন্তু এক লহমার দেখা হলেও স্বামীর মুখ যে মেয়েদের বুক
চিরদিনের মতো আঁকা হয়ে যায়। আমার স্বামী রামরাম দত্তের বাড়ীতে অতিথি,
আর আমাকেই রাঁধুনীবেশে তাঁকে পরিবেশন করতে হচ্ছে।

তিনি আমার চিনলেননা, কিন্তু
আমার রূপের ওপর তাঁর দৃষ্টি এসে
ভ্রমরের মতো আটকে রইল।
বুঝলাম, আমার চট্টল কটাফের
আঘাত সহ্য করবার মতো শক্তি
নেই—সামান্য একটু ইঙ্গিতেই আমার
পায়ের তলায় এসে লুটিয়ে পড়বেন!

আড়ালে ডেকে নিয়ে স্ত্রীভাষিণী
বললে, কেমন, আকাশের চাঁদ
হাতে এনে দিয়েছি তো! এবার
নিজের জিনিস নিজে বুঝে নাও।

—কিন্তু কেমন করে এ অসম্ভব
সম্ভব হল ভাই?

স্ত্রীভাষিণী হেসেই আকুল: বাঃ, উনি যে আমার স্বামীর মক্কেল।
তোমার কাছে নাম শুনেই তো শুঁকে আমরা চিনতে পারলাম। তারপর নামলার
একটা মিথ্যা ছল করে—

সবই তো বুঝলাম। কিন্তু কী করে আত্মপরিচয় দিই স্বামীর কাছে? কেমন
করে গিয়ে বলব, আমিই সেই ডাকাতে কেড়ে-নেওয়া ইন্দিরা, আমায় তোমার
বুকে তুলে নাও?


নিষ্ঠুর সমাজ সেখানে পথরোধ করে আছে রাক্ষসের মতো।

কিন্তু সামনে সরোবরের নিগ্ধ জল থাকতে তো তৃষ্ণায় বুক ফেটে মরতে
পারব না। হারাগো মাণিক জুড়িয়ে পেয়ে তাকে আবার ধূলোয় ফেলে দেব
কোন্ প্রাণে!

শুধু হল, জীবনের নিষ্ঠুরতম আত্মবঞ্চনার পালা। নামলাম কলঙ্কিত অভিনয়ে।
ভাগ্যের জুয়াখেলায় বাজী ধরলাম নিজের সমস্ত ভবিষ্যৎকে।

কুলভাগিনী কুমুদিনীরূপে তাঁর চিত্ত-বিভ্রম ঘটালাম। পরস্ত্রীর ছদ্মভূমিকায়
নারীর চরম লজ্জা মাথায় বয়ে স্বামীর সঙ্গে রামরাম দত্তের গৃহভাগ করলাম!

হোক মিথ্যা—হোক বঞ্চনা, তবু তো সব পেয়েছি। ইন্দিরা তিলে তিলে
তুবের আঙুনে জলে মরছে, মুহূর্তে মুহূর্তে পান করছে কালকূট বিষ। কিন্তু কুলটা
কুমুদিনী তো পাচ্ছে তাঁর অকৃত্রিম প্রেম, তাঁর উস্কুসিত সোহাগ, তাঁর সেবা, তাঁর
বন্দ। কতকালের পিপাসা-কাতর মরুভূমির ওপর নেমেছে ভরা শ্রাবণের স্নিগ্ধ
বর্ষণ!





কিন্তু এ মিথ্যা সুখও বুঝি আর বেশীদিন
সয়না! দেশ থেকে তাঁর ডাক এল। তাঁকে
বাড়ী ফিরে যেতে হবে।

—আর আমি? আমার কী হবে?—বুক
ফেটে আর্ন্তনাদ বেরুল আমার।

—তোমাকে ছেড়ে আমি বাঁচবন।।
তুমি চিরকালের মতো আমার—
তিনি আকুল কণ্ঠে জবাব দিলেন।

—পুরুষের আবার ভালোবাসা!
শপথ করে ভাঙাই তো তার কাজ!
তাঁর আত্মসম্মান আহঁত হল। পরদিন
তাঁর সমস্ত সম্পত্তি আমার নামে
উইল করে দিলেন। বললেন, যদি

কখনো তোমায় বঞ্চনা করি, এই উইল তার জামিন রইল।

কিন্তু কী হবে এই উইলে?

ইন্দিরা কেমন করে সহ্য করবে কুলটা কুমুদিনীর এই জয়পত্র?

কুমুদিনী মরে যাক, পুড়ে যাক তার ছলাকলা নিয়ে, হারিয়ে যাক লজ্জার
রাশি রাশি অঙ্ককারে। এ উইল তার কলঙ্কের দলিল। কিন্তু আমি ইন্দিরা,
আমার সত্যীভ, আমার প্রেম দিয়ে স্বামীকে কি কখনো আমি পাবোনা?

মিথ্যার মধ্য দিয়েই কি তিল তিল করে আমার জলে মরতে হবে? নিজের
সত্য দিয়ে—স্বীর মর্খাদায় স্বামীকে আমি ফিরে পাবোনা? আমার জীবনে কখনো
কি আলো হয়ে উঠবেনা মর্খজ্বালার এই চুঃসহ কালো রাত্রি?

ওগো, তোমরা কি এ প্রশ্নের উত্তর জানো? বলতে পারো, হতভাগিনী
ইন্দিরার বাঁচবার পথ কোথায়?

• সঙ্গীতাংশ •



গয়না গারে আলতা পায়ে
কঙ্কাদার কাঁচল
চিমে চালে তালে তালে
বাজিয়ে যাব মল
আয় সই আয় জল আনিগে
জল আনিগে চল।।
যত ছেলে খেলা ফেলে
ফিরবে দলে দল
কত বুড়ী জুজু বুড়ী
ধরবে কত চল
মুচকে হেসে বিনোদ বেশে
বাজিয়ে যাব মল।
আয় সই আয় জল আনিগে
জল আনিগে চল।।

রচনা : সাহিত্য-সম্রাট বঙ্কিমচন্দ্র

গ্রাম্য বালিকাদের গান

ধানের ক্ষেতে চেঁটে উঠেছে
বাঁশ তলাতে জল
আয় সই আয় জল আনিগে
জল আনিগে চল।।
ঘাটট জুড়ে গাছট বেড়ে
ফুটল ফুলের দল
আয় সই আয় জল আনিগে
জল আনিগে চল।।

বিনোদ বেশে মুচকে হেসে
খুলব হাসির কল
কলসী ধরে গরব করে
বাজিয়ে যাব মল
আয় সই আয় জল আনিগে
জল আনিগে চল।।

সুভাষিণীর গান

ধীরে ধীরে চল অভিমারে
তনু-যমুনার কুলে জোয়ার উঠেছে ঢুলে
ভীরা হিয়া কাঁপে বায়ে বায়ে।।
গগনে বিজলী ওঠে চমকি চমকি
মুহু পায়ে চল ধনী ঠমকি ঠমকি।
দ্রুৎ দ্রুৎ উল্লাসে আকুলিত ঘনধাসে
দোলা কেন লাগে মনিসারে।।
কেন সখি চকিত নয়ন
তোমার সকল লাজ দেখনিকি ঢাকে আজ
তিমিরের যথ আবরণ।।
যদিগো কীকণ বাজে ঠমকি ঠমকি
ওঠে যদি কিঙ্কিনী রণকি ঝণকি
মরাল চরণ ছলে সাহসিকা যেও চলে
সঙ্কেত কুঞ্জের দ্বারে।।
রচনা : আশা দেবী



ইন্দিরার গান

জননে মরণে হে প্রিয় আমার
এইটুকু কথা রাখো
বিরহ-বেদনে ভরিয়া এ নিশি
তুমি আজ দূরে থাকো ।

মম হৃদয়ের কাণায় কাণায়
যে প্রেম পুলক শিহরিছে হায়
সুধারসে তান্নে বিকশিতে দাও
হেলায় দলিয়ো নাকো ।

প্রিয়ারে চাহিয়া পোহাক যামিনী
বিরহী চক্রবাক্
নিশীথ যমুনা তারি কাকলিতে
সকরণ বয়ে যাক ।
তবু জেনো প্রিয় প্রভাতের রবি
মধু-মিলনের আনিবে কি ছবি
দুখের দেয়ালী মরমে ছালিয়া
আজিকে প্রহর জাগো ।

রচনা : আশা দেবী

সুভাষিণীর গান

আজি নুতন করিয়া কি দিব তোমারে
নিশিদিন তব শরণে
(ওগো) সুন্দর মম অন্তর ভরি
দেবতা জীবনে মরণে ।

তুমি আমারি তুমি যে আমারি
মমমুগ্ধ ভুবনবিহারী
ক্রবতারা তুমি অধারে-আলোকে
বিরহে চির মিলনে ।

আমি লতিকার সম জড়িয়ে জড়িয়ে
রহি গো তোমারি অঙ্গে
আমি ঝঞ্ঝার মাঝে প্রদীপের শিখা
সহচরী রহি সঙ্গে
যা কিছু আমার সবি তো তোমারি
সকলি দিয়াছি উজাড়ি
তবু আরো যদি চাও মোরে কিছু দাও
তাই তুলে দিব চরণে ।

রচনা : গোবিন্দ চক্রবর্তী

ইন্দিরার গান

ওগো পথিক বন্ধু দাঁড়াও ক্ষণেক তরে
কোন মরীচিকা ডেকেছে তোমারে
সুদূর দিগন্তরে ।

সরোবরে জাগে পিপাসার জল
মেলিয়া রেখেছি ছায়াতরুতল
তবু তুমি হায় ছুরাশার পানে
চলেছ বেদনাভরে ।

হে মরু-হরিণ, কোরনা ভুল
শ্রামল মাটির মিনতি শোন
মরু বালুকায় ফোটেনা ফুল ।

মোর কারাগারে আমি বন্দি
ভাস্বে শৃঙ্খল লহ মোরে যিনি
আকাশগঙ্গা দেবেনা তো ধরা
তিয়াবী এ অন্তরে ।

রচনা : আশা দেবী

কামিনী ও বালিকাদের সমবেত সঙ্গীত

পথ ভোলা গো পথ ভোলা
শেষ হ'ল কি আজকে ভুলের
দোল্ দোলা গো দোল্ দোলা ।

রাজার মাণিক অন্ধকারে
লুকিয়ে ছিল পথের ধারে
হঠাৎ তারে কুড়িয়ে পেলে
তাই কি তোমার চোখ খোলা ।

লক্ষ্যহারা পক্ষীরাজের
পাখনা হঠাৎ ধামল কি
তেপান্তরের মাঠের শেষে
অচিন দেশে নামল কি !

মরণ মোহে শয়ন ছেয়ে
ঘুমিয়ে ছিল রাজার মেয়ে
জাগিয়ে দিলে তাহার বুকেই
নুতন প্রাণের হিন্দোলা ।

রচনা : আশা দেবী

বর্ষে পিকচার্স কর্পোরেশনের পক্ষ হইতে শ্রীজটাশঙ্কর ঠাকুর কর্তৃক সম্পাদিত
ও ইম্পিরিয়াল আর্ট কটেজ, কলিকাতা ৬, হইতে মুদ্রিত ।